



საქართველოს კონკურენციისა და მომხმარებლის დაცვის სააგენტოსთვის მოთხოვნილი
ინფორმაციის მიუწოდებლობაზე შპს „ქომუნითი სოფტ სოლუშენსისთვის“ (ს/ნ:
405543470)
ჯარიმის დაკისრების შესახებ

1. ფაქტობრივი გარემოებები

- 1.1 საქართველოს კონკურენციისა და მომხმარებლის დაცვის სააგენტოს თავმჯდომარის 2025 წლის 10 ნოემბრის N04/1320 ბრძანების შესაბამისად სააგენტოში მიმდინარეობს საქმის მოკვლევა შპს „ქომუნითი სოფტ სოლუშენსის“ (ს/ნ: 405543470) მიერ „კონკურენციის შესახებ“ საქართველოს კანონის 11³ მუხლის საგარეუდო დარღვევასთან დაკავშირებით.
- 1.2 აღნიშნული საქმის მოკვლევის პროცესში დამატებით გამოკვეთილი არსებითი მნიშვნელობის მქონე გარემოებების დადგენის მიზნით მოპასუხისგან გამოთხოვილ იქნა გარკვეული სახის ინფორმაცია.
- 1.3 სააგენტოს 2026 წლის 16 აპრილის N02/2469 წერილით მოპასუხეს ეთხოვა საქმისათვის არსებითი მნიშვნელობის მქონე ინფორმაციის წარმოდგენა. აღნიშნული წერილი ადრესატს გაეგზავნა როგორც ელფოსტის, ასევე, საფოსტო გზავნილის მეშვეობით. ელფოსტის მისამართზე ადრესატს ან/და მის წარმომადგენელს არ დაუდასტურებია წერილის მიღება, ხოლო საფოსტო გზავნილი ჩაბარდა მოპასუხის წარმომადგენელს მ/წ 21 აპრილს.
- 1.4 გამოთხოვილი ინფორმაციის წარმოდგენის ვადად კომპანიას განესაზღვრა 5 (ხუთი) სამუშაო დღე, რომლის ათვლაც დაიწყო საფოსტო გზავნილის ჩაბარების (21.04.2026) მომდევნო სამუშაო დღიდან და ამოიწურა 2026 წლის 28 აპრილს. კომპანიას სააგენტოს მიერ განსაზღვრულ აღნიშნულ ვადაში არ წარმოდგენია გამოთხოვილი ინფორმაცია.



- 1.5 2026 წლის 30 აპრილს სააგენტომ იმავე ინფორმაციის გამოთხოვის შესახებ ხელმოწერა გაუგზავნა წერილი (N02/2814) შპს „ქომუნიტი სოფტ სოლუშენსს“ (ს/ნ: 405543470) როგორც ელფოსტის, ასევე, საფოსტო გზავნილის მეშვეობით. წერილი საფოსტო გზავნილით წარმომადგენელს ჩაბარდა 2026 წლის 4 მაისს.
- 1.6 გამოთხოვილი ინფორმაციის წარმოდგენის ვადად კომპანიას განესაზღვრა 5 (ხუთი) სამუშაო დღე, რომლის ათვლაც დაიწყო საფოსტო გზავნილის ჩაბარების (04.05.2026) მომდევნო სამუშაო დღიდან და ამოიწურა 2026 წლის 11 მაისს. კომპანიას სააგენტოს მიერ განსაზღვრულ აღნიშნულ ვადაში არ წარმოუდგენია გამოთხოვილი ინფორმაცია.
- 1.7 სააგენტოს ადმინისტრაციული და ფინანსური დეპარტამენტიდან მიღებული ინფორმაციის თანახმად, 2026 წლის 16 აპრილიდან 2026 წლის 13 მაისის ჩათვლით პერიოდში, შპს „ქომუნიტი სოფტ სოლუშენსს“ (ს/ნ: 405543470) სააგენტოში საპასუხო კორესპონდენცია არ შემოუტანია არც ელფოსტის, არც საფოსტო გზავნილის ან ნებისმიერი სხვა საშუალებით.

2. ნორმატიული რეგულირება

- 2.1 „კონკურენციის შესახებ“ საქართველოს კანონის მე-18 მუხლის 1-ელი პუნქტის „ბ“ ქვეპუნქტის თანახმად, სააგენტო უფლებამოსილია, ეკონომიკურ აგენტს/მხარეს/დაინტერესებულ მხარეს მოსთხოვოს მისი საქმიანობის ან/და კონკრეტული ოპერაციის შესახებ ნებისმიერი ინფორმაციის/დოკუმენტაციის (მათ შორის, კონფიდენციალური ინფორმაციის) წარდგენა, რომელიც საჭიროა სააგენტოს მიერ შესაბამისი უფლებამოსილების განხორციელებისთვის.
- 2.2 „კონკურენციის შესახებ“ საქართველოს კანონის მე-18 მუხლის 1-ელი პუნქტის „ვ“ ქვეპუნქტის თანახმად, სააგენტო ეკონომიკურ აგენტთან მიმართებით უფლებამოსილია მოთხოვნილი ინფორმაციის განსაზღვრულ ვადაში მიუწოდებლობის შემთხვევაში ეკონომიკურ აგენტს/მხარეს/დაინტერესებულ მხარეს დააკისროს ჯარიმა ამ კანონის 32-ე მუხლის შესაბამისად.
- 2.3 „საქმის მოკვლევის წესისა და პროცედურის დამტკიცების თაობაზე“ კონკურენციის სააგენტოს თავმჯდომარის 2020 წლის 28 ოქტომბრის N40 ბრძანებით დამტკიცებული წესის მე-8 მუხლის 1-ელი პუნქტის მიხედვით, სააგენტო უფლებამოსილია ეკონომიკურ აგენტს/მხარეს/დაინტერესებულ მხარეს მოსთხოვოს ნებისმიერი დოკუმენტი/ინფორმაცია (მათ შორის, კონფიდენციალური), რომელიც საჭიროა სააგენტოს მიერ შესაბამისი უფლებამოსილების განხორციელების პროცესში და ხელს შეუწყობს საქმისათვის მნიშვნელოვანი გარემოებების დადგენას.
- 2.4 „კონკურენციის შესახებ“ საქართველოს კანონის 32-ე მუხლის 1-ელი პუნქტის მიხედვით, კანონის საფუძველზე სააგენტოს მიერ მოთხოვნილი ინფორმაციის მისთვის მის მიერვე განსაზღვრულ ვადაში მიუწოდებლობის ან სააგენტოსთვის

არასწორი ან არასრული ინფორმაციის მიწოდების შემთხვევაში იურიდიულ პირს დაეკისრება ჯარიმა 3 000 ლარის ოდენობით, ხოლო ფიზიკურ პირს – 1 000 ლარის ოდენობით. იმავე დანაწესს იმეორებს „საქმის მოკვლევის წესისა და პროცედურის დამტკიცების თაობაზე“ კონკურენციის სააგენტოს თავმჯდომარის 2020 წლის 28 ოქტომბრის N40 ბრძანებით დამტკიცებული წესის მე-11 მუხლის 1-ელი პუნქტიც.

- 2.5 „კონკურენციის შესახებ“ საქართველოს კანონის 32-ე მუხლის მე-3 პუნქტის მიხედვით, ჯარიმის დაკისრება პირს არ ათავისუფლებს სააგენტოსთვის ინფორმაციის მიწოდების ვალდებულებისგან.

3. სამოტივაციო ნაწილი

- 3.1 შპს „ქომუნითი სოფტ სოლუშენს“ (ს/ნ: 405543470) 2026 წლის 16 აპრილის (N02/2469) და 30 აპრილის (N02/2814) წერილების პასუხად არ წარმოუდგენია არავითარი ინფორმაცია/დოკუმენტაცია, არ მოუთხოვა ინფორმაციის წარმოდგენის ვადის გაგრძელება და არ შეუტყობინებია სააგენტოსთვის ინფორმაციის მოუწოდებლობის რაიმე შესაძლო საპატიო მიზეზის/მიზეზების არსებობის თაობაზე.
- 3.2 სააგენტო აღნიშნავს, რომ ინფორმაცია გამოთხოვილია „საქმის მოკვლევის წესისა და პროცედურის დამტკიცების თაობაზე“ კონკურენციის სააგენტოს თავმჯდომარის 2020 წლის 28 ოქტომბრის N40 ბრძანებით დამტკიცებული წესის მე-8 მუხლის 1-ელი პუნქტის საფუძველზე, რომლის თანახმადაც სააგენტო უფლებამოსილია ეკონომიკურ აგენტს/მხარეს/დაინტერესებულ მხარეს მოსთხოვოს ნებისმიერი დოკუმენტი/ინფორმაცია (მათ შორის, კონფიდენციალური), რომელიც საჭიროა სააგენტოს მიერ შესაბამისი უფლებამოსილების განხორციელების პროცესში და ხელს შეუწყობს საქმისათვის მნიშვნელოვანი გარემოებების დადგენას. აღსანიშნავია, რომ სააგენტოს 2026 წლის 16 აპრილის (N02/2469) და 30 აპრილის (N02/2814) წერილებში მითითებულია ყველა ის მონაცემი, რომელთა მითითებაც მოთხოვნილია „საქმის მოკვლევის წესისა და პროცედურის დამტკიცების თაობაზე“ კონკურენციის სააგენტოს თავმჯდომარის 2020 წლის 28 ოქტომბრის N40 ბრძანებით დამტკიცებული წესის მე-8 მუხლის მეორე პუნქტის საფუძველზე.
- 3.3 შპს „ქომუნითი სოფტ სოლუშენსი“ (ს/ნ: 405543470) ვალდებული იყო წარმოედგინა სააგენტოსთვის საქმის მოკვლევის ფარგლებში დამატებით გამოკვეთილი არსებითი მნიშვნელობის მქონე გარემოებების დადგენა/დაზუსტებისათვის საჭირო და სააგენტოს შესაბამისი წერილებით მოთხოვნილი ინფორმაცია.
- 3.4 სახეზე არ არის „საქმის მოკვლევის წესისა და პროცედურის დამტკიცების თაობაზე“ კონკურენციის სააგენტოს თავმჯდომარის 2020 წლის 28 ოქტომბრის N40 ბრძანებით დამტკიცებული წესის მე-11 მუხლის მე-2 პუნქტით გათვალისწინებული მხარის დასაბუთებული განცხადება, მოთხოვნილი დოკუმენტის/ინფორმაციის არქონის შესახებ.

3.5 ყოველივე ზემოთ აღნიშნულიდან გამომდინარე, „კონკურენციის შესახებ“ საქართველოს კანონის 32-ე მუხლის 1-ელი პუნქტის, აგრეთვე, „საქმის მოკვლევის წესისა და პროცედურის დამტკიცების თაობაზე“ კონკურენციის სააგენტოს თავმჯდომარის 2020 წლის 28 ოქტომბრის N40 ბრძანებით დამტკიცებული წესის მე-11 მუხლის 1-ელი პუნქტის თანახმად, სააგენტოს მიერ მოთხოვნილი ინფორმაციის მისთვის მის მიერვე განსაზღვრულ ვადაში მიუწოდებლობის შემთხვევაში, იურიდიულ პირს დაეკისრება ჯარიმა 3 000 ლარის ოდენობით.

სარეზოლუციო ნაწილი

„კონკურენციის შესახებ“ საქართველოს კანონის მე-17¹ მუხლის მე-4 პუნქტის, 32-ე მუხლის 1-ელი პუნქტისა და „საჯარო სამართლის იურიდიული პირის - კონკურენციისა და მომხმარებლის დაცვის სააგენტოს დებულების დამტკიცების შესახებ“ საქართველოს მთავრობის 2014 წლის 14 აპრილის №288 დადგენილებით დამტკიცებული დებულების მე-4 მუხლის მე-4 პუნქტის „ე“ ქვეპუნქტის შესაბამისად,


სააგენტომ დაადგინა:

1. დადასტურდეს შპს „ქომუნითი სოფტ სოლუშენსის“ (ს/ნ: 405543470) მხრიდან სააგენტოს მიერ გამოთხოვილი ინფორმაციის/დოკუმენტაციის წარმოუდგენლობის ფაქტი;
2. „კონკურენციის შესახებ“ საქართველოს კანონის 32-ე მუხლის 1-ელი პუნქტის შესაბამისად, შპს „ქომუნითი სოფტ სოლუშენსის“ (ს/ნ: 405543470) დაეკისროს ჯარიმა 3 000 (სამი ათასი) ლარის ოდენობით;
3. კომპანია შპს „ქომუნითი სოფტ სოლუშენსის“ (ს/ნ: 405543470) დაევალოს საქართველოს კონკურენციისა და მომხმარებლის დაცვის სააგენტოს მიერ 2026 წლის 16 აპრილის (N02/2469) და 30 აპრილის (N02/2814) წერილებით მოთხოვნილი ინფორმაციის 5 (ხუთი) სამუშაო დღის ვადაში წარმოდგენა;
4. ბრძანება მისი მიღებისთანავე გადაეგზავნოს კომპანია შპს „ქომუნითი სოფტ სოლუშენსის“ (ს/ნ: 405543470);
5. ბრძანება მისი ხელმოწერიდან 10 (ათი) სამუშაო დღის ვადაში გამოქვეყნდეს სააგენტოს ოფიციალურ ვებგვერდზე;
6. ბრძანების გასაჩივრება შესაძლებელია საქართველოს კანონმდებლობით დადგენილი წესით წინამდებარე აქტის ოფიციალური წესით გაცნობიდან ერთი თვის ვადაში თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი №64);

7. ბრძანება ძალაში შევიდეს ხელმოწერის დღიდან.

ირაკლი ლეჟვინაძე

თავმჯდომარე

A handwritten signature in blue ink, consisting of a vertical line with a small loop at the top, followed by several horizontal and curved strokes.